

**სახელმწიფო შესყიდვების შესახებ
ხელშეკრულება №112**

დ. ადიგენი

"29" ივნისი, 2015 წელი

ერთის მხრივ ადიგენის მუნიციპალიტეტი (მის.: დ. ადიგენი, თამარ მეფის ქ. №5, ს/კ 222729162, სახელმწიფო ხაზინა TRESGE22; ა/ა GE24NB0330100200165022) წარმოდგენილი მუნიციპალიტეტის გამგებლის ზაქარია ენდელაძის სახით შემდგომში „შემსყიდველი“ და მეორეს მხრივ, შპს „საგზაო-სამშენებლო სამმართველო N1“ (მის.: ქ. გორი, შინდისის გზატკეცილი მე-2 კმ. ს/კ: 217890584, ა/ა GE20LB0113156254844000, ს.ს. „ლიბერთი ბანკი“ ბანკის კოდი LBRTGE22) შემდგომში „მიმწოდებელი“ წარმოდგენილი დირექტორის შოთა აბულაძის, მინდობილი პირის ნუკრი აბალაძის სახით (პ/ნ 59001002755) სახელმწიფო შესყიდვების შესახებ „საქართველოს კანონის 161 მუხლის პირველი პუნქტის შესაბამისად „მიმწოდებლის“ მიერ წარმოდგენილი სატენდერო წინადადების საფუძველზე **SPA150015200 გამართივებული** ელექტრონული ტენდერის ჩატარების შედეგად ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) „სახელმწიფო შესყიდვის შესახებ“ საქართველოს კანონის საფუძველზე შემსყიდველ ორგანიზაციასა და მიმწოდებელს შორის დადებული შეთანხმება, რომელიც ხელმოწერილია მხარეების მიერ მასზე თანდართული ყველა დოკუმენტით, რომელზეც ხელშეკრულებაში არის მითითებული;
- 1.2. „შემსყიდველი“ ნიშნავს ორგანიზაციას, რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც „შემსყიდველთან“ გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს „შემსყიდველმა“ „მიმწოდებლის“ მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. დღე, კვირა, თვე ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული;

2. ხელშეკრულების ობიექტი

- 2.1 ხელშეკრულების ობიექტია საქართველოს რეგიონებში განსახორციელებელი პროექტების ფონდიდან ადგილობრივი თვითმმართველი ერთეულებისათვის თანხის გამოყოფის შესახებ საქართველოს მთავრობის 2015 წლის 20 იანვრის №39 განკარგულებაში ცვლილების შეტანის თაობაზე საქართველოს მთავრობის 2015 წლის 18 მაისის №994 განკარგულებით გამოყოფილი თანხებით სოფელ ადიგენის ადგილობრივი მნიშვნელობის გზის ს სარეაბილიტაციო სამუშაოების შესყიდვა თანდართული ხარჯთაღრიცხვის შესაბამისად.
- კლასიფიკატორის კოდი CPV45233110 - საავტომობილო გზების მშენებლობა.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 456897 (ოთხასორმოცდათექვსმეტიათასრვაასოთხმოცდაჩვიდმეტი) ლარს.
- 3.1 ხელშეკრულების ღირებულება მოიცავს ხელშეკრულებით გათვალისწინებული სამუშაოს გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს მათ შორის დ.დ.გ. 18%.

4. ანგარიშსწორების ფორმა და ვადები

- 4.1 ანგარიშსწორება მოხდება ეტაპობრივად ფაქტიურად შესრულებული სამუშაოების და დადასტურებული მოცულობების მიხედვით, მიღება-ჩაბარების აქტის (ფაქტიურად შესრულებული სამუშაოების მოცულობების მიღების აქტი) გაფორმებით;
- 4.2 ხელშეკრულების ფარგლებში ანაზღაურებული იქნება მხოლოდ იმ შესრულებული სამუშაოების ღირებულება, რომლის მოცულობასა და ხარისხზე არსებობს უშუალოდ შემსყიდველის და საამისოდ შერჩეული პირის (ზედამხედველი) მიერ დადასტურებული აქტი;
- 4.3 „მიმწოდებელმა“ ყოველი თვის 20-დან 25 რიცხვამდე უნდა უზრუნველყოს გრაფიკის მიხედვით შესრულებული სამუშაოების ამსახველი დოკუმენტაციის წარმოდგენა, რომლის მიხედვითაც მოხდება ანგარიშსწორება.

4.4 სამუშაოს ხარისხის დაცვის მიზნით, შემსყიდველის მიერ დაკავებული იქნება შესრულებული სამუშაოების ღირებულების 5%, რომლის დაბრუნება მოხდება სამუშაოს სრული დასრულების, შემსყიდველის მიერ შექმნილი ინსპექტირების ჯგუფის მიერ შედგენილი დასკვნის, შემსყიდველთან შეთანხმებული სსიპ ლევან სამხარაულის სახელობის ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნისა და ობიექტის მიღება-ჩაბარების აქტის გაფორმების შემდეგ. იმ შემთხვევაში, თუ დაფიქსირებული იქნება შესრულებული სამუშაოს ნაკლი ან უხარისხობა, მიმწოდებელს აღნიშნული თანხა არ აუნაზღაურდება დეფექტების გამოსწორებამდე.

4.5 მიმწოდებელმა შესყიდვის ობიექტის ნაწილის შესრულების დროს უნდა წარმოადგინოს შემსყიდველთან შეთანხმებული ლიცენზირებული ექსპერტის მიერ გაცემული საინჟინრო-ტექნიკური ექსპერტიზის დასკვნა, ხოლო საბოლოო ანგარიისწორება მოხდება მიღება-ჩაბარების, შესრულებული სამუშაოების (ფორმა №2) აქტების, საგადასახადო-ანგარიშ-ფაქტურის საფუძველზე 20 კალენდარული დღის განმავლობაში ფაქტიურად შესრულებული სამუშაოების მიხედვით, შემსყიდველთან შეთანხმებული სსიპ ლევან სამხარაულის სახელობის ექსპერტიზის ეროვნული ბიუროს ან სხვა აკრედიტებული პირის მიერ გაცემული დასკვნის საფუძველზე.

5. მიღება-ჩაბარების წესი

5.1. სამუშაოს მიღება ხორციელდება ეტაპობრივად, მიღება-ჩაბარების აქტის (ფაქტიურად შესრულებული სამუშაოების მოცულობების მიხედვით) და დამატებული ღირებულების გადასახადის ანგარიშ-ფაქტურის წარმოდგენის შემდეგ.

6. მომსახურების გაწევის ადგილი და ვადა

6.1 სამუშაოს შესრულების ადგილად განისაზღვრება ადიგენის მუნიციპალიტეტის სოფელი ადიგენი.

6.2 სამუშაოს დასრულების ვადაა ხელშეკრულების გაფორმებიდან 90 კალენდარული დღე 2015 წლის 29 სექტემბრის ჩათვლით.

7. მხარეთა უფლება-მოვალეობანი

7.1. მიმწოდებელმა სამუშაოები უნდა შეასრულოს სატენდერო დოკუმენტაციით განსაზღვრული კალენდარული გრაფიკის შესაბამისად. გრაფიკის დარღვევის შემთხვევაში გამოყენებული იქნება საჯარიმო სანქცია გრაფიკის მიხედვით შეუსრულებელი სამუშაოს ღირებულების 0,3 % ოდენობით.

7.2. მიმწოდებელი წარუდგენს შემსყიდველ ორგანიზაციას შესრულებული სამუშაოს აქტს (ფორმა #2), შემსყიდველ ორგანიზაციაში სამუშაოების მიღების არსებული წესისა და დამტკიცებული ფორმების თანახმად განსაზღვრულ ვადებში;

7.3. საკუთარი ხარჯებით უზრუნველყოს ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;

7.4. შემსყიდველი ვალდებულია:

- აწარმოოს ინსპექტირება საამისოდ შერჩეულ პირთან ერთად სამუშაოს მიმდინარეობაზე, საპროექტო დოკუმენტაციის, ტექნიკური პირობების, სპეციფიკაციების, ხელშეკრულების პირობებისა და საქართველოში მოქმედი ყველა საჭირო სამშენებლო ნორმების, სტანდარტებისა და წესების შესაბამისად, რომელთა დარღვევის შემთხვევაში იგი უფლებამოსილია შეაჩეროს სამუშაოები;

- ხელშეკრულების პირობების შეუსრულებლობის შემთხვევაში შემსყიდველის, მიმწოდებლისა და ხელშეკრულების ინსპექტირების მიზნით შერჩეული სხვა პირების მონაწილეობით ფორმდება შესაბამისი აქტი;

- ხელშეკრულების პირობების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების დარღვენილი ღირებულების 3% არაუგვიანეს 30 საბანკო დღეში და უზრუნველყოს დარღვეული უფლების დაუყოვნებლივ გამოსწორება.

8. გარანტია

- 8.1 საგარანტიო ვადად წესდება 24 თვე მიღება-ჩაბარების აქტის გაფორმებიდან, რომლის განმავლობაშიც „მიმწოდებელი“ ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა;
- 8.2 ხელშეკრულების შესრულების უზრუნველყოფის მიზნით გამოყენებულ იქნება „მიმწოდებლის“ მიერ 2015 წლის 19 ივნისს „ბაზის ბანკის“ მიერ გაცემული N-19.06/02 9138 (ცხრაათასასოცდათვრამეტი) ლარის ღირებულების საბანკო გარანტია, რომელიც ძალაშია 2015 წლის 1 ნოემბრამდე;
- 8.3 ხელშეკრულების შესრულების უზრუნველყოფის მიზნით მიმწოდებლის მიერ წარმოდგენილი უპირობო საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენების შემთხვევაში;
- 8.4 მიმწოდებლის მიერ ხელშეკრულების შეუსრულებლობის ან არაჯეროვნად შესრულების შემთხვევაში, შემსყიდველისათვის მიყენებული ზიანის ანაზღაურება ხორციელდება მიმწოდებლის მიერ წარმოდგენილი გარანტიის ფარგლებში, შემსყიდველისათვის მიყენებული ზიანის ოდენობის გათვალისწინებით;
- 8.5 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის გარანტია;
- 8.6 მიმწოდებლის მიერ ხელშეკრულების შეწყვეტის შემთხვევაში შემსყიდველი იყენებს გარანტიას მისთვის ხელშეკრულების შეწყვეტის შედეგად მიყენებული ზიანის ფარგლებში;
- 8.7 მიმწოდებლისაგან დამოუკიდებელი მიზეზების გამო (ფორს-მაჟორული გარემოებები) ხელშეკრულების შეწყვეტის შემთხვევაში შემსყიდველი ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

8. ხელშეკრულების ინსპექტირების პირობები

- 9.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 9.2 ხელშეკრულების ინსპექტირებას შემსყიდველის მხრიდან განახორციელებს ინსპექტირების ჯგუფი, ადიგენის მუნიციპალიტეტის გამგეობის ინფრასტრუქტურის, სივრცითი მოწყობის, არქიტექტურისა და მშენებლობის სამსახურის უფროსი - გოდერძი სხირტლამის ხელმძღვანელობით;
- 9.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.
- 9.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

10. მხარეთა პასუხისმგებლობა ხელშეკრულების დარღვევისას

- 10.1 მხარეების მიერ ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 10.2 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრებათ პირგასამტეხლო ყოველი ვადაგადაცილებული დღისათვის ხელშეკრულების ღირებულების 0.3%-ის ოდენობით;
- 10.3 იმ შემთხვევაში თუ მიწოდების ვადა დაირღვევა და გადაცდება შვიდ დღეს „შემსყიდველი“ იტოვებს უფლებას შეწყვიტოს ცალმხრივად ხელშეკრულება და მოთხოვოს „მიმწოდებელს“ ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება;
- 10.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან;

11. ხელშეკრულების პირობების გადასინჯვის შესაძლებლობა

- 11.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 11.2 თუ რაიმე წინასწარ გათვალისწინებული მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 11.3 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლის გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 11.4 საქართველოს სამოქალაქო კოდექსის 398-ე მუხლის გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10% მეტი ოდენობის გაზრდა.
- 11.5 ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

12. ხელშეკრულების შეწყვეტა მისი პირობების შეუსრულებლობის გამო

- 12.1 „შემსყიდველს“ უფლება აქვს ცალმხრივად შეწყვიტოს ხელშეკრულების მოქმედება, ასევე დააკისროს „მიმწოდებელს“ ხელშეკრულების გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობის შესაბამისად:
- ა) თუ „მიმწოდებელი“ არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - ბ) თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო „მიმწოდებელი“ ვერ უზრუნველყოფს ხელშეკრულებით ნაკისრ ვალდებულებების შესრულებას;
 - გ) „მიმწოდებლის“ გაკოტრების შემთხვევაში;
 - დ) კანონმდებლობით გათვალისწინებულ სხვა შემთხვევებში;
- 12.2 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან;
- 12.3 12.1 პუნქტის შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად შესრულებული სამუშაოს ღირებულება;

13. ფორს-მაჟორი

- 13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს მის პასუხისმგებლობას, თუ ხელშეკრულების შესრულების შეფერხება ან მისი ვალდებულებები შეუსრულებლობა არის ფორს-მაჟორი გარემოებების შედეგი.
- 13.2 ფორს-მაჟორი ნიშნავს მხარეებისათვის გადაულახავ და მათ კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ ან „მიმწოდებლის“ შეცდომებსა და დაუდევრობასთან და რომლებსაც გააჩნიათ წინასწარ გათვალისწინებული ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, კარანტინით, საბიუჯეტო ასიგნების მკვეთრი შემცირებით და სხვა.
- 13.3 ფორს-მაჟორი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყონებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრ ვალდებულების შესრულებას და ცდილობს გამონახოს შესრულების ისეთი ალტერნატიული ხერხები, რომლების დამოუკიდებელი იქნებოდნენ ფორს-მაჟორული გარემოებების ზეგავლენისაგან.

13. დავები და მათი გადაწყვეტის წესი

- 14.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად;

14. სხვა პირობები

- 15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.
15.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.
14.3. ხელშეკრულება შედგენილი ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.
15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.
15.5. ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15. ხელშეკრულების მოქმედების ვადა

- 15.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 29 სექტემბრის ჩათვლით;

16. მხარეთა იურიდიული მისამართები და რეკვიზიტები:

„შემსყიდველი“

ადიგენის მუნიციპალიტეტის გამგეობა
დ. ადიგენი, თამარ მეფის ქ. №5;
სახელმწიფო ხაზინა TRESGE22;
ს/კ 222729162; ა/ა GE24NB0330100200165022;

ადიგენის მუნიციპალიტეტის
გამგებელი:



„მიმწოდებელი“

შპს „საგზაო-საშენებლო სამმართველო N1“
მის: ქ. გორი, შინდისის გზატკეცილი მე-2 კმ.
ს.ს. „ლიბერთი ბანკი“ ბანკის კოდი LBRTGE22
ს/კ: 217890584, ა/ა GE20LB0113156254844000

დირექტორის შოთ აბულაძის მინდობილი პირი:



საქართველო

სანოტარო აქტი

ორიათას თოთხმეტი წლის ოცდაერთ ნოემბერს მე, ნოტარიუსს თინათინ მიჩიტაშვილმა (სანოტარო ბიურო მდებარე: ქ. გორი, სტალინის გამზ. 14, მეორე სართული ტელ: 0(370) 279380) შპს „საგზაო სამშენებლო სამმართველო №1“-ის (საიდ. №217890584) დირექტორის შოთა აბულაძის თხოვნით სანოტარო ბიუროს გარეთ შემდეგ მისამართზე: გორი, შინდისის გზატ. 2 კმ. შევასრულე სანოტარო მოქმედება, დავამოწმე მინდობილობა. მე აღნიშნულ მისამართზე მისვლისას დავადგინე მისი პირადობა მის მიერ წარმოდგენილი პირადობის დამადასტურებელი დოკუმენტით და დავრწმუნდი, რომ ნამდვილად შოთა აბულაძეს (დაბადებული 11.11.1945 წ. ცხინვალი, პირადი №59001000749, რეგისტრირებული გორი, მ. კოსტავას ქ. №55) სურს მინდობილობის შედგენა და მისი სანოტარო წესით დადასტურება. მისი უფლებამოსილება დასტურდება შემდეგი დოკუმენტით: ა) შპს „საგზაო სამშენებლო სამმართველო №1“-ს შესახებ 12/11/2014 13:31:02 წელს გაცემული სამეწარმეო რეგისტრის ამონაწერით (რომელიც თან ერთვის სანოტარო არქივში დაცულ მინდობილობას). მე დავადგინე შოთა აბულაძის ქმედუნარიანობა და უფლებამოსილება, მისი ნების გამოხატვის ნამდვილობა და მინდობილობის შინაარსი. მე, ნოტარიუსს თინათინ მიჩიტაშვილმა პირადად წავეუკითხე და განვეუმარტე მინდობილობის შინაარსი, მინდობილობაზე ხელმოწერის მნიშვნელობა და სამართლებრივი შედეგი. შოთა აბულაძემ პირადად წაიკითხა ეს მინდობილობა, მოიწონა და განაცხადა, რომ იგი სრულად შეესაბამება მის ნებას. შემდეგ ჩემი, ნოტარიუსს თინათინ მიჩიტაშვილის, თანდასწრებით პირადად მოაწერა ხელი შემდეგ მინდობილობას: სანოტარო მოქმედების შესრულებისათვის გადახდილია საზღაური ოცდათორმეტი (32) ლარი, თანახმად საქართველოს მთავრობის, დადგენილება №507-ისა 29.12.2011 წლის სანოტარო მოქმედების შესრულებისათვის საზღაურისა და საქართველოს ნოტარიუსთა პალატისათვის დადგენილი საფასურის ოდენობების, მათი გადახდებისა და მომსახურების ვადების დამტკიცების შესახებ, ათი ლარი მუხლი 31-ე, ოცი ლარი მუხლი 34-ე მეორე პუნქტისა და ორი ლარი რეგისტრაციის საფასური 39 მუხლის პირველი პუნქტისა.

მინდობილობა

შპს „საგზაო სამშენებლო სამმართველო №1“-ის (საიდ. №217890584) დირექტორი შოთა აბულაძე (დაბადებული 11.11.1945 წ. ცხინვალი, პირადი №59001000749, რეგისტრირებული გორი, მ. კოსტავას ქ. №55) ამ მინდობილობით სრულ უფლებას ვაძლევ ნუკრი აბალაძეს (დაბადებული 16.03.1969 წ. გორი, პირადი №59001002755, რეგისტრირებული თბილისი, გამსახურდიას გამზ. №11/37) იყოს შპს „საგზაო სამშენებლო სამმართველო №1“-ის წარმომადგენელი „ბაზისბანკ“-ში და მის ნებისმიერ სერვის ცენტრში, წარმოადგინოს შპს „საგზაო სამშენებლო სამმართველო №1“-ის ინტერესები. შეასრულოს ყველა საჭირო მოქმედება, აწარმოოს მოლაპარაკება, განახორციელოს ნებისმიერი საბანკო ოპერაცია, გარდა კომპანიის კუთვნილ ანგარიშებიდან თანხის გადარიცხვის და გამოტანისა, ასევე, მოაწეროს ხელი ყველა საჭირო დოკუმენტებს გასაცემს სესხთან დაკავშირებით ნებისმიერს, მათ შორის: საბანკო კრედიტის, საბანკო გარანტიის, საკრედიტო ხაზის, ოვერდრაფტის, გირავნობის (კომპანიის ნებისმიერ მოძრავ ქონებაზე), იპოთეკის (კომპანიის ნებისმიერ უძრავ ქონებაზე), თავდებობის და სხვა სახის ხელშეკრულებებს ან/და სხვა დოკუმენტებს, შპს „საგზაო სამშენებლო სამმართველო №1“-ის სახელთან დაკავშირებულ საქმიანობასთან, მიიღოს ამონაწერები ანგარიშიდან, ცნობები ანგარიშზე არსებული ნაშთის შესახებ და სხვა ნებისმიერი სახის ცნობები. ამასთან დაკავშირებით ჩემს, შპს „საგზაო სამშენებლო სამმართველო №1“-ის დირექტორის შოთა აბულაძის ნაცვლად მოაწეროს ხელი ყველა საჭირო დოკუმენტს და შეასრულოს ყველა საჭირო მოქმედება, რაც დაკავშირებულია ზ/აღნიშნულდავალებასთან. მინდობილობა ძალაშია დამოწმებიდან ერთი წლის განმავლობაში.

საკუთრების მიმნდობი

შპს „საგზაო სამშენებლო სამმართველო №1“-ი დირექტორი

შოთა აბულაძე

ნუკრი აბალაძე 59001002755

თ. მიჩიტაშვილი



ნოტარიუსი თინათინ მიჩიტაშვილი